



水經卷第十

桑欽撰

濁漳水

清漳



濁漳水出上黨長子縣西發鳩山之漳水焉其水出
 出麓谷與發鳩連麓而在南淮南子謂之發苞山
 故異名牙見也左則陽泉水注之右則散蓋水入
 焉三源同出一山但以南北為別耳之異名也
 東過其縣南
 又東克水自西山東北流逕堯廟北又東逕長子
 縣故城南國史辛甲所封邑也春秋襄公十八年

晉人執衛石買於長子即是縣也秦置上黨郡治此也其水東北流入漳水東會于梁水出南梁山北流至長子縣故城南竹書紀年曰梁惠成王十二年鄭取屯留尚子沮尚子即長子之異名也梁水又北入漳水

屈從縣東北流注

陶水南出南陶北流至長子城東西轉逕其城北東注于漳水

又東過壺關縣北又東北過屯留縣
漳水東逕屯留縣南又屈逕其城東東北流有絳

水注之絳水西出穀遠縣東發鳩之谷謂之降水西出穀遠縣為濫水也東逕屯留縣故城南故城吁國也潞氏之屬春秋襄公十八年晉人執孫蒯於屯留是也其水東北流于漳故桑欽云絳水屯留西南東入漳漳水東陳水注之水出西發鳩山東逕余吾縣故城南漢光武建武六年封景丹尚子為侯國陳水又東逕屯留縣故城北竹書紀年梁惠成王元年韓共侯趙成遷晉桓于屯留史記趙肅侯奪晉君端氏而徒居之此矣其水又東流注于漳故許慎曰水出發鳩山入閼從水章聲也

漳水逕壺閔縣故縣西又屈逕其城北故黎國也
有黎亭縣有壺口閔故曰壺閔矣呂后元年立孝
惠後宮子武為侯國漢有壺閔三老公乘與上書
訟衛太子即邑人也縣在屯留東不得先壺閔而
後屯留也漳水歷鹿臺山與鞮水合水出銅鞮縣
西北石磴山東流與專池水合出八持山東地流
入銅鞮水銅鞮水又東南逕女諫水西北好松山
東南流北則葦池水與公生水合而右注之南則
榆交水與皇后水合而左入焉亂流東南注于銅
鞮鞮水東李憲墓前有碑碑石破碎故李氏以太

和元年立之其水又東逕故城北城在山阜上下
臨岫嶺東西北三面岨柔二里世謂之斷梁城即
故縣之上虎亭也銅鞮水又東逕銅鞮縣故城北
城在水南山中晉大夫羊舌赤銅鞮伯華之邑也
漢高祖破韓王信於此縣也銅鞮水又東南流逕
項城西即縣之下虎聚也地理志曰縣有上虎亭
下虎聚者也銅鞮又南逕胡邑西又東屈逕其城
南又東逕襄垣縣入于漳漳水又東北流逕襄垣
縣故城南王莽之上黨亭
潞縣北

縣故赤翟潞子國也其相璽舒有携才而不以茂德晉伯宗數其伍罪使荀林父滅之闕駟曰有潞水爲冀州冀浸即漳水也

燕書猛與慕容評相遇於潞川也鄆固山泉鬻水與軍人絹匹水二名佗大川可以爲浸所有巨浪長湍唯漳水耳故世入亦謂濁漳爲潞水矣縣北對故壁臺漳水逕其南本潞子所立也世爲之名臺壁也慕容垂伐慕容永於長子軍次潞川永率精兵拒戰阻河自固垂陣壁臺一戰破之即是處也漳水於是左右黃湏水口水出壁西張譚巖下

世傳巖赤則土離兵害故其變化無常恒以石粉汗之令白是以俗目之爲張譚巖其水南流逕臺壁西又南入于漳水又東北歷望夫山山南有石人竚於山上狀有懷於雲表因以名焉有洹水西出覆醜山而東流與西湯溪水合出涅縣西山湯谷五泉俱會謂之五會之泉交東南流謂之西湯水又東南流注涅水又東逕涅縣故城南縣北氏涅水也東與白鷄水出縣之西山東逕其縣北東南流入涅水涅水又東南與武鄉水會焉水源出武山西南逕武鄉縣故城西而南出得清谷口

水源出東北長山清谷西南與鞞鞞白壁二水合
南入武鄉水又南得黃水口黃水三源同注一壑
東南流於隱室水合水源西北出隱室出東南注
黃水又東入武鄉水武鄉東南注于涅水又東南
流注于漳水又東逕碯陽城北倉石水入焉出水
林慮縣之倉石溪東北逕魯班門西闕昂藏石壁
霞舉左右結石條防崇基仍崦北逕倫橋東即林
慮之嶠嶺抱犢固也石證西陞陟踵修上五里餘
崦路中斷四五丈中以木爲偏橋劣得道行亦言
故有偏橋之名矣自上猶須舉蘿捫葛方乃自津

山嶺即庚肱墜慮也倉石溪水又北合白水溪溪
水出壺關縣東白水川東逕百畝北城蓋同仇池
百頃之稱矣又東逕林慮縣之石門谷又注于蒼
溪水蒼溪水又北逕碯陽城東而北流注于漳水
漳水又東逕葛公亭北而東去矣

又東過武安縣

漳水於縣東清水自步縣東南來注流之世謂決
入之所爲交漳口也

又東出山過鄴縣西

漳水又東逕三戶峽爲三戶津張晏曰三名地名

也在梁期西南孟康曰津峽名也在鄴西四十里
又東汙水注之出水武安縣山東南流逕于城北
昔項羽與蒲將軍英布濟自三戶破章邯於是水
汙水東注于漳水漳水又東逕武城南世謂之梁
期城梁期在鄴北俗亦謂之雨期城皆爲非也司
馬彪郡國志曰鄴縣有武城武城卽期城矣漳水
又東北逕西門豹祠祠前東側有碑隱起爲宇祠
堂東頭石柱勒銘曰趙建武中所脩也魏文帝述
征賦曰羨西門之嘉迹忽逕睇其靈宇漳水石與
枝水合其水正承漳水於邯會西而東別與邯水

合水發源邯山水北逕邯會縣故城西北注漳水
故曰邯會也張晏曰漳水之別自城西南與邯山
之水會今城旁猶有溝渠存焉漢武帝元朔二年
封趙敬肅王子劉仁爲侯國其水又東北入于漳
昔魏文侯以西門豹爲鄴令也引漳以溉鄴民賴
其用其後至魏襄王以史起爲鄴令又堰漳水以
灌鄴田咸成沃壤百姓歌之魏武王又渴漳水迴流
東注號天井堰里中作十二燈燈相去三百步令
牙相灌注一源分爲十二流皆懸水門陸氏鄴中
記云水所溉之處名曰晏陂澤故左思賦魏都也

謂澄流十二同源異口者也魏武之攻鄴也引漳水以圍之獻帝春秋曰司空鄴城圍周四十里初淺而狹如或可越審配不出爭利望而笑之司空一夜增脩廣深二丈引漳水以注之遂拔鄴本齊桓公所置也故管子曰築五鹿中牟鄴以衛諸夏也後屬晉魏文侯七年始封此地故曰魏也漢高帝十二年置魏郡治鄴縣王莽更名魏城後分魏郡置東西部都尉故曰魏魏武又以郡國之舊引漳流自城西東入逕銅雀臺下伏流入城東注謂之長明溝也渠水又南逕正車門下魏武封於鄴

為北宮有文昌殿溝水南北夾道挾流引溝所在東溉東出石竇下注之滹水故魏武登臺賦曰引長名灌街里謂此渠也石氏於文昌故殿處造東西太武二殿於濟北穀城之山採文石為臺一臺下五百武直宿衛屈柱趺瓦悉鑄銅為之金漆圖飾焉又徙長安雒陽銅人置諸宮前以華國也城之西北有三臺皆因城為文基巍然崇舉其高若山建安十五年魏武所起平坦略盡春秋古地云葵丘地名今鄴西臺是也請臺矣平成更有見意所未詳其中曰銅臺高十丈有屋百餘間臺城命

諸子登之並使爲賦陳思王下筆成章美棲當時亦魏武望奉常王叔治之處也昔嚴才與其屬攻掖門脩聞變車馬未至便將官屬步至宮門太祖在銅省臺望見之曰彼來者必王叔治也相國鍾繇曰舊京城有變九鄉各居其府鄉何來也脩曰食其祿焉避其難居府雖舊非赴難之義時人以爲美談矣石虎更增二丈立一屈連棟接襍彌覆其正盤迴隔之名曰命子窟又於屋上起五層樓高五十丈去地二十七丈又作銅雀於樓巔舒翼若飛南則金雀臺高八丈有屋一百九間北白水

井臺亦高八丈有屋一百四十門正有水室室有數井井深十五丈藏水及石墨焉石墨可書又然之難畫亦謂之石炭又有粟窖及鹽以備不虞今窖正猶有石銘存焉左思魏都賦曰三臺列峙而崢嶸者也城有七門南曰鳳陽門中日中陽門次日廣陽門東曰建春門北曰廣得門次曰廡門西曰金門門曰白門鳳陽門門三臺洞開高三十五丈石氏作層觀架其上置銅鳳頭高一丈六尺東城上石氏立東明觀觀上加金博山謂之鐔天北城正有齊十樓超出郡謝孤高特立其城東西

米里南北五里飾表以塼百步一樓几諸宮殿門
臺隅雉皆加觀榭層甍反守飛檐拂雲圖以丹青
色以輕素當其全盛之時去鄴六十里七遠望茗
亭巍若仙居魏因漢祚復都洛陽以譙爲先入本
國許昌爲漢之所居長安爲西京之遺迹鄴爲王
業之本基故號五都也今相州刺史及魏郡治漳
水自豹祠北逕趙閔馬臺西基高五丈列觀其上
石虎每講武於其下升觀以望之虎自於臺上於
鳴鏑之矢以爲軍騎出入之節矣漳水又北逕祭
陌西戰國之世俗巫爲河伯取婦祭於此陌魏文

侯時西門豹爲鄴令豹諸三老曰爲河伯取婦幸
來告知吾欲送女皆曰諾至時三老送椽賦斂百
姓取錢百萬巫現行里中有好女者呪當爲河伯
婦以如嫁狀豹往會之三老巫椽與民咸集赴觀
巫嫗年七十從十女弟子豹呼婦視之以爲非妙
令巫嫗入報河伯投巫於河中有頃曰何久也又
令三弟子及三老入白並投於河豹磬折曰三老
不來柰何復欲使送椽豪長趣之皆叩頭流血乞
不爲河伯取婦淫祀雖斷地留祭陌之稱焉又慕
容焦投石虎尸處也田融以爲紫陌也趙建武十

一年造紫陌浮橋於水上為佛圖澄先造生墓於紫陌建武十五年卒十二月葬焉即此處也漳水石對趙氏臨漳宮宮在桑梓苑多桑木故苑有名三月三日及始蠶之月虎師皇后及夫人採桑於地此今地有遺桑墉無尺雉矣漳水又北溢水入焉漳水又東逕梁期城南地理風俗記曰鄴北五十里有梁期城故縣也漢武帝元鼎五年封任破為侯國晉惠帝永興元年驃騎王浚遣烏丸渴末逕至梁期侯騎到鄴成都穎遣將軍石超討末為末為末所敗於此也逕平陽城北竹書記年曰梁

惠成王元年鄴師邯鄲師於平陽者也司馬彪郡國志曰鄴有平陽城即此地也

又東過列人縣南

漳水又東右逕斥丘縣北即裴縣故城南王莽更名之曰即是也地理風俗記曰列人縣故城南里即裴城故縣也漳水又東北逕列人縣故城南王莽更名之為列治竹書記年曰梁惠成王八年惠成王伐邯鄲取列人者也於縣右合白渠故瀆白渠水水出魏郡武安縣欽口山東南流逕邯鄲縣南又東與拘潤水合水遵源武始東山白渠北

俗猶爲是水爲拘河也白渠水又有牛首水入焉
水出邯鄲縣西堵山東流分爲二水洪濤雙逝澄
映兩川漢景帝時六國悖逆命曲周侯酈寄攻趙
圍邯鄲相捍七日引牛首拘水灌城城壞王自殺
其水東入邯鄲城逕温明尉南漢世祖擒王郎幸
邯鄲畫卧處也其水又東逕叢臺南六國時趙王
之臺也郡國志曰邯鄲有叢臺故劉邵趙郡賦曰
結雲閣於南宇立叢臺於少陽者也今遺基舊壙
尚在其水又東歷邯鄲阜張晏所謂邯山在東城
下者也曰單盡也城郭從邑故加邑邯鄲之名蓋

指此以立稱矣故趙郡治也長沙舊傳稱拒措爲
趙郡太守嘗有遺囊粟於路者行人掛囊粟於樹
莫敢取之即於是處也其水又東流出城又合成
一川也又東澄而爲渚泌水東南洧注拘潤水又
東入白渠又東故瀆出焉一水東爲澤渚曲梁縣
之鷄澤也國於所謂雞丘矣東北通澄湖白渠故
瀆南出所在枝分右出即邯溝也歷邯溝縣故城
東蓋因溝以氏縣也地理風俗記曰即裴城西北
二十里有邯溝城故縣也又東逕肥鄉縣故城北
竹書記年曰梁惠王八年伐邯取肥者也晉書地

道記曰太康中立以隸廣平也渠道交徑牙相纏
縻與白渠同歸逕列人石會漳津今無水地理志
曰白渠東至列人入漳是也

又東北過斥漳縣南

應邵曰其國斥鹵故曰斥漳沃獻帝建安十八年
魏太祖鑿渠引漳水東八清洹以通河漕名曰利
漕渠漳津故瀆水舊斷溪東北出洧流濬注而已
尚書所謂覃懷底績至于衡漳者也孔安國曰衡
橫也言覃漳水橫流也又東北逕平恩縣故城西
應邵曰縣故館陶之別鄉漢元帝元康三年置以

封后父許伯為侯國王莽更曰延平也

又東北過曲周縣東又東北過鉅鹿縣東

衡漳故瀆東北逕南曲縣故城西西地理志廣平
有曲周縣應邵曰平恩縣北四十里有南曲亭故
縣也又逕曲周縣故城東地理志曰漢武帝建元
四年置王莽更名真周余案史記大將軍酈商以
高祖六年封曲周縣為國侯又考史記同是知曲
周舊縣非始孝武蓋商冀州入在縣市補履數年
人竒其不老求其術而不能得也衡漳又北逕巨
橋抵閣西舊有大梁橫水故有巨橋之稱昔武王

伐紂發巨橋之粟以賑殷之飢民服虎曰巨橋倉
名鉅鹿水之大橋也今臨側水涓左右方一二里
中狀若丘墟蓋遺囷故窖處也衡水又北逕鉅鹿
縣故城東應邵曰鹿者林之大也尚書曰堯將禪
舜納之大麓之野列風雷雨不迷致之以昭華之
玉而縣取目焉路溫野縣之東里人反爲里監門
使溫野牧羊澤中取蒲牒用寫書即此澤也鉅鹿
郡治秦始皇二十五年滅趙以爲鉅鹿郡漢景帝
元中年爲廣平邵武帝征和三年以封趙敬肅王
子爲廣平侯國世祖中與更爲鉅鹿也鄭玄注尚

書引地說云大河東北流過絳水千里至大陸爲
地腹如志之言大陸在鉅鹿地理志曰水在安平
信都鉅鹿與信都相去不容此數也土之名變易
世失其處見絳水則以爲絳水故依而廢讀或作
絳字非也今河內北共山淇水共水出焉東至魏
郡黎陽入河近所謂絳水也降讀當如城降于齊
師之降蓋周時國於地者惡言降故改之共耳又
今何所從去大陸遠矣館陶北屯氏河其故道與
余案鄭玄據尚書有東過洛汭至于大伾北過絳
水至于大陸推次言之故以淇水爲降水共城爲

降城所未祥也稽之郡書共縣故本共和之故國
是有共名不惡降而更稱禹著山經淇出沮洳淇
渙衛詩列目又遠當非段絳葦爲今號但是水導
源共出北玄欲因成降議故以其水爲降水耳即
如玄引地說黎降鉅鹿非千里之逕直信都於大
陸者也唯屯氏北出館陶事近之矣案地里志云
降水發源屯流下亂章津是乃與章俱得通稱故
水流間閔所在著目信都復見降名而東于海尋
其川况無佗殊瀆而衡漳舊道與屯相亂乃書有
過降之地說與千里之誌即之途致與書相隣河

之過絳當應此矣下至大陸不異經說自甯迄于
鉅鹿出于東皆爲大陸語之纏絡厥勢眇矣九河
既播八牧伐絕遺跡故稱住住時存故蒿服列於
東北徒駭瀆聯漳絳同逆之狀粗分陂障之會猶
在案經考瀆自安故目矣漳水又歷經縣故城曲
水有故津謂之薄落津昔袁本初還自易京上已
屆此率其賓從襁飲於斯津矣衡漳又逕沙丘臺
東紂所成也在鉅鹿故城東北十里趙武靈王
與秦始皇並死於此矣逕鉅馬祠東漢光武廟更
始三年秋光武追鉅馬於館陶大破之遂降之賊

不自安世祖令其歸營乃輕騎行其壘賊乃相謂
曰蕭王推赤心置人腹中安得不授死乎遂將降
人分配諸將衆數十萬人故関西號世祖曰鉅馬
帝也祠取名馬廟側有碑述河内脩武縣張導字
景明以建和三年爲鉅鹿太守漳津汎濫土不稼
穡導披按地國與丞彭三椽馬道蒿等原其逆順
揆其表裏脩防徘徊通正水路功績有成民用嘉賴
題云漳河神壇碑而俗老者耆儒猶謁斯廟爲銅馬
劉神寺是碑頃因震裂餘半不可復識矣又逕南
宮縣故城西漢惠帝元年以封張越人子買爲侯

國王莽之序中也其水與隅醴通爲衡津又有長
蘆溼水之名稱矣今漳水既斷降水非復纏絡矣
又北絳瀆出焉今無水故瀆東南逕九門城南又
東南逕南宮城北入東南逕潦城縣故城北十三
州志曰經縣東五十里有繚城故縣也左逕安城
南故信都之安城鄉也更始二年和城太守邳彤
與上會信都南安城鄉上大悅即此處也故瀆又
東北逕辟陽亭漢高帝六年封審食其爲侯國王
莽之樂信也理風俗記曰廣川西南六十里有辟
陽亭故縣也絳瀆又北逕信都城東散入澤渚西

至于信都城東連于廣川縣之張甲故瀆同歸于海故地理志曰禹貢絳水在信都東入于海也又北過堂陽縣西

衡水自堰分爲二水其一水北出逕縣故城西世祖自信都以四千人先攻堂陽降水者也水上有梁謂之旌津

渡商旅所濟故也其右水東北注出石門門石崩襍餘基殆在謂之長蘆水蓋變引葭之名也長蘆水更逕堂陽縣故城南應劭曰縣在堂水之陽穀梁傳曰水北爲陽也今於故縣城南更無別水唯

是水東出可以當之斯水蓋包堂水之無稱矣長蘆水右東逕九門坡故縣也又東逕扶都縣故城南世祖建武三十年封寇恂子揖爲侯國又東屈北逕信都縣故城西信都郡治也漢高帝六年置帝二年爲廣川惠王越國王莽更爲新博縣曰新博亭光武自薊至信都是也明帝永平十五年更名樂成安帝延光中假曰安平城內有漢冀州從事安平趙徵碑又有魏冀州刺史陳留丁紹碑青龍三年立城南有獻帝南巡碑其水側城北注又北逕安城東又北逕武陽城東十州三志曰扶柳

縣東北有武陽城故縣也又北為博廣池池多名
蟹佳蝦歲貢王朝以充膳府又北逕下博縣故城
東而北流注于衡水也

又東北過扶柳縣北又東過信都縣西
扶柳縣故城在信都城西衡水逕其西縣有扶澤
澤中多柳故曰扶柳也衡水又北逕昌城縣故城
西地理志曰信都有昌城縣漢武帝以封城陽項
王子劉羗為侯國闕駟曰昌城本名阜城矣應劭
曰堂陽縣北三十里有昌城故縣也世祖之下堂
陽昌城人劉植率宗親子弟據邑以奉世祖是也

又逕西梁縣故城東地理風俗記曰扶柳縣西北
五十里有梁城故縣也世以為伍梁城蓋字狀致
謬耳衡水又東北逕桃縣故城北漢高祖十二年
封劉襄為侯國王莽改之曰桓分也合斯汶故瀆
斯汶水首受大白渠首受綿蔓水綿上承挑水水
出樂平郡之上艾縣東流世謂之曰挑水東逕靖
陽亭南改閔城也及北流逕井陘閔下注澤發水
亂流東北逕常山蒲吾縣西而挑水出焉南逕蒲
吾縣故城西又東南流逕桑中縣故城北世謂之
石勒城蓋趙氏增成之故檀其目俗又謂之高功

城也地理志曰侯國也桃水又東南流逕綿蔓故
城北王莽之綿延也世祖建武二年封郭況爲侯
國自下通謂之綿蔓水綿蔓水又東流逕樂陽縣
故城西右合井陘山世謂之廉泉水也東北流屈
逕陳餘壘而俗謂之故壁城昔在楚漢韓信東入
餘拒之於此不納左車之計悉衆西戰信遣奇兵
自間道出立職於其壘師失據遂死泝上其水
又出逕其壘南又南逕城西東注綿蔓水又屈從
城南俗名曰臨清城非也地理志曰侯國矣王莽
更之曰申苗者也東觀漢書曰光武使鄧禹發房

子兵二千人以姚期爲偏將軍別攻真定宋子餘
賊技樂陽稟肥壘者也綿蔓水又東逕烏于堰扶
津出焉又東爲之大名渠地理志所謂首受綿蔓
者也白渠水又東南逕開縣故城北地理志曰常
山之屬縣也又東爲城卽河水上有大梁謂之成
卽橋又東逕耿鄉南世祖封前將軍耿純爲侯國
世謂之宜安城又東逕宋子縣故城北又謂之宋
子河漢高帝八年封許厥爲侯國王莽更名宜子
昔漸離擊笮傳工自此入秦又東逕敬武縣故城
北案地理志曰鉅鹿之屬也縣漢元帝封女敬武

公主爲湯沐邑闕駟十三州記曰楊氏縣北四十里有武亭故縣也今其城實中小邑耳故俗名之曰敬武壘即古邑也白渠又東謂之斯凌水地理志曰大白渠東至曲陽入凌河者也東分爲二水枝津右出焉東南流謂之百尺溝又東南逕和城北世謂之初丘城非也漢高帝十一年封郎中公孫耳爲侯國又東南逕育城西漢高帝六年封呂博爲侯國百尺溝東南散流逕歷鄉東而南入泚湖東注衡水也斯凌水自枝津育城北又東積而爲陂謂之陽縻淵淵水在納白渠枝水俗謂之低

水水承白渠於葉縣之烏子堰又東逕肥壘縣之故城南又東臺甚寬廣今土陽臺屯屈之又東逕新豐城北案地理志云鉅鹿有新市縣侯國也王莽更之曰樂市而無新豐之目所未詳矣其水又東逕昔陽城南世謂之曰直陽城非也本鼓聚矣春秋在傳昭分十五年晉荀吳師師伐紆冀圍鼓三月鼓謂降穆子曰猶有食色不許軍吏日獲城而弗取何以事君穆子曰獲一邑而教民怠將焉用邑賈怠無卒弃舊不詳鼓人能事其君我亦能事吾君率義不爽好惡不愆城可獲也有死義而

無二心不亦可乎鼓人告食竭力盡而後取之尅鼓而返不戮一人以鼓子爲鞮歸既獻而返之鼓子又叛荀吳略東陽使師僞糴貞甲息於門襲而滅之以鼓子爲鞮歸使涉佗守之者也十三州志曰今其城昔陽亭是矣京相璠曰白狄之別也下曲陽有鼓聚故鼓子國也白渠低水又東逕曲陽城北又逕安鄉縣故城地理志曰侯國也又東逕育縣入斯汶水又東逕西梁城南又東北逕樂信縣城南地理志曰鉅鹿縣侯國也又東入衡水衡水又東爲袁譚渡蓋譚自鄴往還所由故濟得厥

名泉南逕五里橋北而東入博水南之支泉口博又東北過下博縣之西

衡水又北逕鄆縣故城東竹書紀年梁惠成王三十年秦封衛歡于烏改名曰商即此是也故王莽改曰秦聚也地理風俗記曰縣北有鄆阜蓋縣氏之又右逕下博縣故城西王莽改曰潤博應博曰大山有博故此加下漢光武自呼沱南出至此矣道不知所以遇白衣老父曰信都爲長安守去此八十里世祖赴之任光開門納馬漢氏中興始基之矣尋求父老不得議者矣爲神衡漳又東北歷

下博城西逶迤東北注謂之九爭西逕樂鄉縣故
城南王莽吏之曰樂兵也又東列葭水注也
又東北過阜城縣北又東北至昌亭與雩池河會
經叙阜城於下博之下昌亭之上考地非此於事
為同渤海阜城又在東昌之東故知非也漳水又
東地逕武邑郡南魏所置也又東逕武強縣北又
東北逕武隧縣故城南案吏記秦破趙將扈輒於
武隧斬首十萬即於此處也王莽更名桓隧矣白
馬河注之水上承雩池東逕樂鄉縣北克陽縣南
又東南逕武邑郡北而東入衡水謂之交津口衡

漳又東逕武邑縣故城北王莽之順桓也晉武帝
封子於縣以為王國後分武邑武隧觀津為武邑
郡治此衡漳又東北右合張平口故溝上承武強
淵淵之西南之則水有武強縣故治故淵得其名
焉東觀漢記曰光元拜王梁為大司空以為侯國
耆宿云邑人有行於途者見一小池疑其有靈持
而養之名曰擔生長而吞噬人里中患之遂補繫
獄擔生員而奔邑淪為湖縣長及吏咸為魚矣今
縣治東北羊許落水淵水又東南結而為湖又謂
之即君淵耆宿又言縣淪之曰其子東奔又陷於

此故淵得即君之目罨矣淵水北通之石虎口又東北為張平澤水所芝北決堤口謂之張刀溝北注衡河謂之張平口亦曰張平則南注水耗則輟流衡漳又逕東昌縣故城北經所謂昌亭也王浴名之曰東相蓋相昌聲韻合故致茲誤矣西有昌城故目是城為東昌矣衡漳又東北左會雩池故瀆謂之合口衡漳又東北分為二川堂其水決處名之曰李聰渙

又東北至樂成陵縣別出北

衡漳於縣無別出之瀆縣北者乃雩也則水分雩

池故瀆之所纏絡也衡漳又東分為二水在出為向氏口溝水自始決入也衡漳又東逕弓高縣故城北漢景帝封韓信兄子韓犢當為侯國王莽之樂成亭也衡漳又東北右合柏梁澁水上承李聰渙東北為柏梁澁東逕扶頌縣故城南漢武帝元朔三年封廣川王子劉嘉為侯地理風俗記云脩縣西北八十里有蒲領鄉故縣也又東北會桑杜枝津又東北逕弓高城北又東注衡漳謂之柏梁口衡漳又東北右會桑杜溝溝上承從陂世盧達從薄亦謂之河東南通清河西北達衡水春秋雨

汎澤津渚今觀津城北方二十里盡為澤藪蓋水所鍾也其瀆逕觀津縣故城北樂毅自燕降趙封之於此邑號望諸君王奔之朔定亭也又南屈東逕竇氏青山南側堤東出青山即漢文帝竇后父少渚冢也消是縣人遭秦之亂魚釣隱身墜測死而景帝立后遣使者貲以葬父起大墳於觀津城東南故民號曰青山也又東逕董仲舒廟南仲舒廣川人也世猶謂之董府君祠春秋傳祭不輟舊溝又東逕循市縣故城北漢宣帝本始四年封清河剛王子劉寅為侯國王莽更之曰居寧也俗謂

之温城非也地理風俗記曰循縣西北二十里有循市城故縣也又東會從陂陂水南北十里東西六十步子午潭漲淵而不流亦謂之桑杜淵從陂南出夾提汎逕循縣故城北東合清漳漳泛則北注澤盛則南播津流上下于相逕道從陂陂北出東北分為二川北逕弓高城西而北注柏梁澗一川東逕弓高城南又東北陽津溝水出焉左瀆北入衡漳謂之陽決口衡水東逕阜城縣故城北樂故城南河間郡治地理志曰故趙也漢文帝二年別為國應劭曰在兩河之間也景帝九年封子得

為河間王是為獻王王莽更名郡曰朔定縣曰陸
信褚先生曰漢帝宣地節三年封大將軍霍光兄
子山為侯國也漢漳帝封子開於此漢桓帝追尊
祖父孝王開為孝穆王以其邑奉山陵故加陵曰
樂陵也今地中有故池方八十步舊引衡水北入
城注池池北對層臺基隍荒蕪示有古意也
又東北過城平縣南魏志大東合郡新縣之限北
衡水又東逕建成縣故城南案地理志故屬勃海
郡褚先生曰漢昭帝元鳳二年封丞相黃霸為侯
國也成平縣故城在北漢武帝元朔三年封河間

北獻王子劉禮為侯國王莽之澤亭也城南北相直
衡水又東右會楊津溝水自枝水東逕阜城南地
理志勃海有阜成縣王莽更名吾成者非經所謂
阜成也建武十五年世祖更封大司馬王梁為侯
國陽津溝水又東北逕建成縣九入衡水謂之陽
津呂衡水又東左會雩池別河故瀆人東北入清
河謂之合口又逕南皮縣之北皮亭而東北逕浮
陽縣西東北注之
又東北過章武縣西又東北過章武縣西又東北過
平舒縣南東入海清漳自章武縣故城西故瀛邑

也枝瀆出焉謂之澱水東北逕叅后亭分爲二瀆
應劭曰平舒縣西南五十里有叅后亭故縣也世
謂之平虜城枝水又東注謂之蔡伏溝又東積而
爲淀一水逕亭北逕東平舒縣故城南代郡有平
舒城故加東地理志曰勃海之屬縣也魏土地記
曰章武郡治故世以爲漳武故城非也又東北分
爲二水一右出爲澱一水北注呼地謂之澱口清
漳亂流而東注于海清漳水出土黨沾縣西北少
山大昷谷南過縣西又從縣南屈不詳年九南以
淮南子曰清漳出揭戾山高誘云山在沾縣今清漳

出沾縣故城東北俗謂之漳山漢分沾縣爲樂平
郡治沾縣水出樂平郡治縣界故晉太康地記曰
樂平縣舊名清漳縣漢之故矣其山亦曰鹿吉山
水出大要谷南流逕沾縣故城東不歷其西也又
南逕昔陽城左博昭分十二年晉荀吳僞會於齊
假道鮮虞遂入昔陽杜預曰樂平沾縣東有西陽
城者是也其水又南得梁榆水口水出梁榆城西
大嶸山水有一源北水東南流逕其城東南注南
水南水亦出西山東逕文當城北又東北逕梁榆
城南即闕與惠文王使趙奢故之奢納許歷之說

碗破秦於闕與謂此也司馬彪表崧郡國志並言
涅縣有闕與聚盧諶征艱賦曰訪梁榆之虛郭力
闕與之舊平桓亦云闕與今梁榆城是也漢高地
八年封馮鮮敢為侯國其水右會北水又東南南
入于清漳清漳又東南與轄水相得轄水出轄河
縣西北轄山南流逕轄河縣故城南西東流至粟
城注于清漳也魚豎古練流越東不盡其西也入
東過涉縣西屈從縣南美之入其山亦曰與吉山
案地至云魏郡之屬縣也漳水於此有涉之稱名
因地變也東北谷歸之章山與右出練為樂平

東至武安縣南黍窖邑入于濁漳

水經卷第十

東至莊之線南亦密也八十國章

水經卷第十

水經卷第十一

桑欽撰

酈道元注

易水

涿水

易水出涿郡故安縣閭鄉西山

易水出西山寬中谷東逕五大夫城南昔北平侯

王潭不同王莽之政于與生五子並避時亂隱居

北山故其舊居也以爲五大夫城即北岳讚云五

王在中龐葛連續者也易水東左與子莊溪水合

水北出子莊關南流逕五公城西屈逕其城南伍

公猶王與之伍子也光武即帝位封為伍侯才北
平侯益才安嘉侯顯才蒲降侯仲才新市侯秀才
為唐侯所謂中山之五王也俗又以王公名居矣
二館之城澗曲泉清山高林茂風煙披薄觸可栖
情方外之士尚憑依舊居取暢林水其水東南入
于易易水右會女思谷水水出西南女思澗東北
流注易謂之三謂口易水又東屆關門城西南即
燕之長城門也與樊石山水合水源西出廣昌鄉
縣之樊石山東流逕覆金山下東流注于易水易
水又東歷燕之長城又東逕漸離城南蓋太子丹

館高漸離處也易水又東逕武陽南蓋易自寬中
歷武夫關東是兼武水之稱故燕之下都擅武陽
之名左得濡水枝津故瀆武陽大城東南小城即
故安縣之故城也漢文帝封丞相申屠嘉為侯國
城東西二里南北一里半高誘云易水逕固安城
南外東流即斯水也誘是涿人事明經證今水破
城東南隅世又謂易水為固安河武陽蓋燕昭王
之所城也東西二十里南北七十里故傳建難遊
賦日出北薊歷良鄉登金臺觀武陽兩城遼廓舊
迹冥芒正謂是處也易水東流而出於范陽

東過范陽縣南又東過容城縣南

易水逕出范陽縣故城秦未未張耳陳餘為陳勝略地燕趙命蒯通說之范陽先下是也漢景帝中元三年封匈奴降王伐為侯國王莽之通順也易水又東與濡水合出故安縣西北窮獨山南谷東流與源泉水合水發北溪東西流汪濡水濡水又東南逕樊於期館西是其授首於荆軻處也濡水又東南流逕荆軻館北昔燕丹納田光之言尊軻上卿館之於此二城並廣一里許俱在置亭之上邪上而下方濡水又東逕陽城西北舊竭濡水枝

流南入城逕柏冢冢西垣城側即水塘也四周塋城深廣有若城焉其水側有數陵墳高壯望若青丘詢之古老訪之史籍並無文證以私情求之當是燕都之前故墳也或立燕之墳塋斯不然矣其水之故瀆南出居而東轉又分為二瀆一水東注金臺陂一水逕故安城西側城南注易水夾塘崇峻邃岸高深左右百步一釣臺參差交峙迢遞相望更為佳觀矣其一水東出金臺陂東西六十步南有金北五十步側陂西北釣臺高丈方可四十五步陂北十餘步有金臺臺上東西八十許步南北

加減高十餘又昔慕容垂之爲范陽也戊之即斯
臺北有闌馬臺並悉高數丈秀峙祖對翼臺左石
水流逕通長廡廣宇周施被浦棟堵咸淪桂礎尚
存是其基構可得而尋意欲圖還上京阻行旅造
次不獲遂心訪諸耆舊咸言昭王禮賢廣延方士
至如郭隗樂毅之徒鄒衍劇辛之儔官遊歷說之
民自遠而屆者多矣不欲令諸侯之客祠曠燕邦
故脩建下都館之之南垂言燕昭創之於前子丹
踵之於後故彫墻敗館尚傳鐫刻之名雖無紀可
憑察其古跡似符傳矣濡水自堰又東逕紫池堡

西屈而北流又有渾塘溝水注之水出酋縣西白
馬山南溪中東南流入濡水濡水又東至塞口右
纍石堰水處也濡水舊枝分南入城東大陂陂方
四里今無水被內有泉淵而不流除池北側俗謂
聖女泉濡水又東得白陽水口出首之西山白陽
顛下東南流入濡水時人謂之虎眼泉也濡水東
合檀山水水道縣西北檀山西南南流與石泉水
會水出石泉固東南隅水廣二十許步深三丈固
在衆山之內平川之中四周絕澗阻水八丈有餘
石高五丈石上亦上又高一匹壁立直上廣四十

五步水之不周者路不容軌僅通人馬謂之石泉
固固上宿有白陽寺是白陽山神也寺側林木交
蔭叢柯隱景沙釋法澄達刹於其上更爲思玄之
勝處也其水南流注于檀水故俗有并溝之稱焉
其水又東南流歷固安縣此而南注濡水又東南
流於容城縣西北大利亭東南合易水而注巨馬
水也故地理志曰故安縣門鄉易水所出至范陽
入濡水闕駟亦言是矣又曰濡水合渠許慎曰濡
水入深深渠二號即巨馬之異名然二易俱出一
鄉同入濡水南濡北易至涿郡范陽縣會北澮又

並亂流入涑是則陽水與諸水牙攝通稱東逕容
城縣故城北渾濤東注至勃海平舒縣與易水合
闕駟曰涿郡西界代之易水而是水出大郡廣昌
縣東南卽山東北燕王仙臺東臺有三峯甚能崇
峻勝云冠峯高霞翼嶺崢壑冲深合煙罩霧蒼舊
言燕昭王求仙處其東謂之石虎罡范曄漢書云
中山簡王言之寔也後其葬採涿郡山石以樹墳
瑩陵隧碑符並出此山謂之石處山山有所遺二
名處後人因以名罡之東鬱卽泉原所導也經所
謂閭鄉曲其水東流有悲水南會渾波同注俗謂

之爲甕河司馬彪郡國志曰甕水出固安縣世祖
令耿况擊故安西山賊吳耐蟲符甕上十餘營皆
破之即是水者也易水又東逕孔山北山下有鍾
乳穴穴出佳乳採者篝火尋沙入穴里許渡一水
瀆流通注其深可涉於中衆穴竒分令出入者疑
迷不知所趣每於疑路必有歷記返者乃尋孔以
自達矣上又有大孔壑達洞開故以孔山爲名也
其水又東逕西固安城南即閭鄉地也歷送荆陘
北耆燕舊云燕丹餞荆軻於此因而名焉世大已
遠非所詳也遺名舊傳不容不銓庶廣後人傳聞

之聽易水又東流屈逕長城西又東流南過武遂
縣南新城縣北史記曰趙將李牧伐燕取武遂方
城是也俗又謂水爲武遂津津北封長城門謂之
分門史記趙世家云孝城十九年趙與燕易以龍
允汾門與燕燕以葛城武陽與趙即北也亦曰分
門門又謂之梁門矣易水東分爲梁門被易水又
東梁門被水注之水上城易水於梁門東入長城
東北入陂陂水北接范陽陂陂在范陽城西十里
方一十五里俗亦謂之爲鹽臺陂陂水南通梁門
淀方三里淀水東南流出長注易謂之范水易水

自下有范水通目又東逕范陽縣故城南即應邵所謂范水之陽也易水又經樊輿縣故城北漢武帝元朔五年封中山靖王子劉條為侯國王莽更名握符矣地理風俗記曰北新城縣東二十里有樊輿亭故縣也易水東逕容城縣故城南漢高帝六年封趙將夜於深澤景地中元三年以封匈奴降王唯徐盧於容城皆為侯國王莽更名深澤也易水又東渥水注之其水上承二被於容城縣東南謂之大渥澱小渥澱水南流注易水謂之渥同口水側有渾渥城易水逕其南東合涿水故桑欽

曰易水出北新城西北東入涿自下涿易互受通稱矣易水又東逕易京南漢末公孫瓚害劉虞於薊下時童謠云燕南垂趙北際唯有此中可避也讚以易地當之故自薊從臨易水謂之易京城在易城西四五里趙建武四年石虎自遼西南建易京以京鄣至固令二萬人廢壞之今者地壁夷平其樓基尚存猶高一匹餘基上有井世名易京樓即瓚所堡也故瓚所與子書云袁氏之攻狀若鬼神衝梯舞于樓上鼓角鳴于地中即地中即北樓也易水又東逕易縣故城南昔燕文公徒易即北

城也闕駟稱燕太子丹遣荆軻邲秦王與賓客知
謀者祖道於易水上燕太子稱荆入秦太子與知
謀者皆表衣寇送之於易水之上荆軻起為壽歌
曰鳳蕭蕭兮易水寒壯士一去兮不復還漸離繫
筑宋如意和之為壯聲士髮皆衝冠為京声士皆
流涕疑於此也余案遺傳舊跡多在武陽似不饒
北也漢景帝中元三年封匈奴降王僕默為侯國也
又東過安次縣南
易水逕縣南鄭縣故城北東至文安縣與零池合
史記蘇秦曰燕長城以北易水以南正謂此水也

是以班固闕駟之徒咸以斯水為之南易頃者
又東過泉州縣南東入于海
經書水之所歷汾次注海也

涿水出代郡靈立縣高氏山
即温夷之水也出縣西北高氏山山海經曰高氏
涿水之出山焉東流經于河者也其水東南流山
上有

又水南逕曰侯侯塘川名也又東合温泉水水出西
北暄谷其水温熱若湯能愈百疾故世謂之温泉
焉東南流逕與豆亭在南原止歌傾而不正故世

以歌城目之東流注于涿水又東泉水注之水遵源莎泉南流水側有莎泉亭東南入于涿水又東逕靈丘縣故城南水中自源南注涿水應邵曰趙武靈王葬其東南二十里故縣氏之縣古屬代漢靈帝光和元年中山相臧吳上請別焉也地理志曰靈丘之號在武靈王之前矣入按司馬遷趙敬侯二年敗齊於靈丘則名不因靈王事如漢注涿水自縣南流入峽謂之隘門設隘於峽以譏禁行族歷南山高峯隱天深溪坪谷其公澗西轉逕御射臺南臺在此阜上臺南有御射石碑南則秀障

分霄層崖刺天積石之峻壁立直上車駕公革每出所遊藝馬涿水西南流又南轉東屈逕北海王祥之石碣南御所廟石柱北而南流者也

東南遇廣昌縣南

涿水東逕嘉牙川川有一水南來注之出恒山北麓雖川三合逕嘉牙亭東而北流注于涿水水之北山行即廣昌縣界涿水又東逕倒馬關關上險隘是爲深峭勢均詩人高罌之病良馬傳峽之行軒故關受其名焉關水出西南長溪下東北歷關注涿水南山上起御坐於松園建祗洹圃東北

二面岫郭高深霞峯隱日水望澄明淵魚潛甲行
李所逕鮮不徘徊亡返矣

又東過中山上曲湯縣北恒水從西來注之

涿水自倒馬關南流與大嶺水合水出山西南大
嶺下東北流出峽峽右山則有洹精盧飛陸陵山
丹盤虹梁長津泛瀾帶其下東北流注于涿涿水
東出屈而東合南嶺溪水水出桓山北阜東北流歷
而嶺間北嶺雖層陵雲舉猶不若南戀峭秀自水
南步遠峯石磴逶迤汾途九曲歷賜諸山咸為劣
矣抑亦羊腸印來之類者也齊宋通和路出其間

其水東北流注于涿水又東左合懸水水出山原
岫盤谷輕湍瀉下分石飛懸水一匹有餘直灌山
際白波奮流自成渾渚其水東南流陽湍注于涿
涿水又東流歷山世謂是處為鴻頭疑即晉書地
道記所謂鴻上關者也關尉治北平而盡塞於望
都東北云北平不遠兼縣上所極也涿水於是左
納鴻上水水出西北近溪東南流注于涿水也又
東過唐縣南

涿水右東逕左人城

南應邵曰中人城西北四十里亦或謂之為唐水

也水出中山城之西如此城內有小山在城西側
水銳上若委粟焉疑即地道記所云望都縣有委
粟閔也俗以山在邑中故亦謂之中山城以城中
有山之木因復謂之爲廣唐城也中山記以爲中
人成又以爲鼓聚殊爲坑謬矣言城中有山故曰
中人山也中山郡治京相璠曰今中山望都里二
十里有故中人城望都東有一城名堯始城本無
中人之傳璠或以爲中人所未詳也中山記所言
中人者城東去望都故城一十餘里二十里則減
但苦其不東觀矣異說咸爲爽矣今北城於廬奴

城北如西六十里城之西北泉源所導西逕根山
北卽唐音讀近實兼唐水之傳西流歷尤人亭注
滏水又東左會一水水出中山城北卽中阜下亦
謂之唐水也然於城非西在又名之謂雹水又兼
二名焉西南流入滏並所未詳蓋傳疑耳滏水又
東恒水從西來注之自下滏水兼納恒川之通稱
焉卽禹貢所謂恒衛既從也滏水又東石苞馬溺
水水出上曲陽城東北馬溺水東北流逕伏亭晉
書地道記曰望都縣有溺溺閔中山記曰八渡馬
溺是山曲要害之地一一關勢疑斯城卽是關尉

宿治異目之來非所詳矣馬溺水又東流注于滌
滌水又東逕中人亭高春秋左傳昭公十三年晉
荀吳率師侵鮮虞及中人大獲而歸者也滌水又
東逕京丘北也謂之京南對漢項王陵滌水北對
君子岸岸上有哀王子憲王陵坎下有泉源精水
亦曰泉上岸滌水又東逕白土地南即靖王子康
王陵三墳並列者是滌水又東樂羊城北史記稱
魏文侯樂羊滅中山蓋其故城中山所造也故城
得其名滌水又東逕唐縣故城南北二城俱在滌
水之陽故曰滌水逕其東城西又有一水導源盧

奴縣之西北是城西平城之地泉湧而世俗亦謂
之爲唐水也東流至唐城西北隅竭而爲湖俗謂
之唐池蓮荷被水勝遊多華其上信爲僖處也其
水南入小溝下注滌水自上歷下通禪唐川之廉
稱焉應劭地理風俗記曰唐縣西四十里得中人
亭今放此城取中人鄉側西十也唐水在西北入
滌與應符合又言堯山者在南則無山以擬之爲
非也閔駟十三州忠曰山治盧奴唐縣故城在國
北七十里駟所說此則非也史記曰帝嚳氏沒帝
堯氏作始封於唐望都縣在南今此城南封盧奴

故城自外無城以應之考古今知事義全違俗名望都故城則八十許里岨中山城則七十里驗途推邑宜爲唐城城北去山五里與七十五里之說相符然則俗謂之都香山即是澆山在康東北望都界皇甫謐曰堯山一名豆山今山於城北而如東嶽絕孤峙唐牙桀立山南有堯廟是即堯所登之山者也地理志曰堯南山今考此城之南又無山以應之是故先後論者咸以地理之說爲失又即俗說以唐城爲望都城者自北無城以擬之假復有之途程紆山河之狀全乖古證傳爲踈罔是

城西北豆山西足有一泉源東北流逕豆山下合蘇水亂流轉注東入滄是豈唐水乎所于詳也又於是城之南如東一十餘里有一城俗爲之高昌縣城或望都之故城也故縣目曰望都縣在唐南昌皇甫謐曰相去五十里稽諸城地猶十五里蓋書誤耳此城之東有山孤峙世以山不連陵名之曰孤山孤都聲相近疑即所謂都山也帝王世紀曰堯母慶都所居張晏曰堯山在北堯母慶都山在南登堯山見都山故望都縣以爲名也唐亦中山城也爲武公之國周姓其後桓公不恤國政周

王問太史餘日今之諸侯執先亡乎對曰天生民而令有別所以異禽狩也今中山淫氏康樂逞慾無度其先亡矣後二年果滅魏文侯以封太子擊也漢高立中山破景帝三年為侯國王莽之常山也魏皇始二年破中山立安州天興三年改曰定州治水南奴縣之故城周之襄也國有亦秋之難齊桓霸諸侯彊理邑土遺管仲攘戎狄築城以固之地理志曰盧水出北平疑為踈濶闕駟應劭之徒咸亦言是矣余案盧奴城內西北隅有水淵而不流南北一百步東西百餘步水邑正黑俗名曰

黑水地或云黑水口盧不流曰奴故北城籍水以取名矣池水東地際水有漢王宮處臺殿觀榭皆上國之制簡王尊貴壯麗有加始築兩宮開四門穿北城累石竇通涿唐水流于城中造魚池釣臺戲馬之觀歲久頽毀遺基尚存今悉加上為利靈圖池之四周駢地貲褊陋而泉源不絕暨趙石建武柒年遣遣北中郎將始築小城興起北榭立宮造殿後燕因其故宮建都中山小城之南更築隔城輿復宮觀今府榭猶傳故制昔耿伯歸世祖於此處也滌水之石慮水注之上承城內慮水地

自漢及燕涿涿水逕石竇石竇既毀池道亦絕水
潛出城潭積微漲涓水東北注于涿涿又東逕漢
哀王陵北冢有二墳故世謂之兩女陵非也哀王
是靖正之孫康王之子也涿水又東右會長星溝
溝上曲陽縣西北長星渚渚水東流又合洛光水
水出洛光消東入長星水亂流東逕恒山下廟北
漢末衰亂山道不通此舊有下階神殿中世矣來
歲書法族馬晉魏改有東西二廟廟前有碑闕壇
場列柏馬其水東逕上曲陽縣故城北本岳牧朝
宿之邑也古者天子巡狩常以歲十一月至于北

岳侯伯皆有湯沐邑以自齊紜周昭王南征不還
巡狩禮廢邑郭乃存秦罷井田因以立縣在山曲
之陽是曰曲陽有下故此矣王莽之常山亭也又
東南流胡泉水注之受胡全逕上曲陽縣南又東
逕樂平亭北左會長星川東南逕盧奴城南又東
北川渠之左有張氏墓冢有漢上谷太守議郎張
平仲碑光和中立川渠又東北合涿水水有窮適
不常津注

又東逕安喜縣南

縣故安嶮也其地臨嶮有井塗之難漢武帝元朔

五年封中山靖王子劉應為侯國王莽更名寧峻
漢章帝改曰安喜中山記曰縣唐水之曲山高岸
峻故曰安峻邑豐民安改曰安喜秦氏建元中唐
水汎長高岸崩頽城角之下有大積水交橫如梁
柱馬後燕之初此宋尚在未知所從余考記稽疑
蓋城池當初山水濟盪漂淪巨抵阜積於斯沙息
壤加以成城板築既興物固能久耳涿水又東逕
鄉城北有舊盧奴之鄉也中山記曰盧奴有三鄉
斯其一焉後魏安喜城郭南有漢朝時孝子王立
碑

又東過安國縣北

涿水歷縣東分為二水枝分東南流逕解瀆亭南
漢順帝陽喜元年封河間孝王子淑於解瀆亭為
侯國孫完即靈帝也又東南逕任丘城南又東南
逕安郭亭南漢元封五年封中山靖王子劉博為
侯國其水又東南流入于呼池涿水又東北逕流
解瀆亭北而東北注之矣

又東過博陵縣南

涿水東北逕慈吾縣故城南地理風俗誌曰縣故
饒陽之下鄉者也自河間分屬博陵漢安帝永初

崇年封河間王開子翼為都鄉侯順帝二水建五年帝元朔二年封中山靖王子劉真為侯國者也地理風俗記曰博陵縣吏記悉五故縣矣漢質帝本初元年繼孝質為帝追尊父翼陵曰博陵因以為縣又置郡焉漢末罷還安平晉太始年復為郡今謂是城為野滌水又東北逕侯世縣故南城又東北逕陵陽亭東又北左會博水水出望都縣東南流逕其縣故城南王莽更名曰順調矣又東南潛入地下博水又東南於瀆重源湧發東南逕三梁亭南疑即古勺梁也竹書紀年曰燕人伐趙圍

濁鹿趙靈王及代人救濁鹿敗燕師于勺燕者也今廣昌東嶺之東有山俗名之曰濁鹿羅地地不遠土墊相隣以此推之或近是矣所未詳也博水又東南逕穀梁亭南又東逕陽城縣散為澤渚渚水渚張方數里匪直蒲荀是豐實亦偏饒菱藕至若蠻童非及弱年崑子咸單舟蓋或壘舸折芟長歐陽春愛深淶水掇十者不言疲謹詠者自于時陽城近在西北故陂得其名焉郡國志曰蒲陰縣有陽城者也今城在縣東南三十里其水又伏流循瀆屆清梁亭西北重源又發博水又東逕自堤

亭南又東逕廣望縣故城北漢武帝元朔二年封
中山靖王子劉忠爲侯國又東合堀溝溝上承清
梁陂又北逕清源城東即將梁也漢武帝元朔二
年封中山靖王子劉朝平爲侯國其水東北入博
水水又東北左則濡水注之水出蒲陰縣西昌安
郭南中山記曰郭東有舜氏耳泉有舜及二妃祀
稽諸子傳記無聞此處世代之遠異說之求足乎
在矣其水自源東逕其縣故城南往渚迴湍率多
曲復亦謂之爲曲逆水也張晏曰湍水於城此曲
而西流是受此名故縣亦因水名而是曲逆矣春

狄左傳哀分四年齊國夏代晉取曲逆是也漢高
帝擊韓王信自大過曲逆上其城望室宇甚多曰
壯哉吾行天下唯雒陽與是耳詔以封陳平爲曲
逆侯王莽更名順平湍水又東與蘇水合水出縣
西南近山東北流逕堯始亭南又東逕其縣入湍
湍水又東得蒲水口水出西北蒲陽山西南流積
水成淵東西一百步南北百餘步深而不則水又
東流水側有古神祠世謂之爲百祠亦曰蒲上祠
所未詳也又南逕安陽亭東晉書地道記曰蒲陰
縣有安陽閔蓋安陽閔都尉治世俗名斯川爲安

陽壙蒲水又東南歷壙逕安陽關下名關鞏爲唐頭坂出關北流又東流逕夏屋故城實中嶮絕竹書絕年曰魏殷臣趙公孫哀伐燕還取夏屋故城曲逆者也其城東側因何仍壙築一城世謂之寡婦城賈復從光武追銅馬五幡於北平所作也世俗音轉故有是名以其水又東南流逕蒲陰縣故城北地理志曰城在蒲水之陰漢章地章和二年行巡北岳以曲巡名不善因山水之名改曰蒲陰馬水右合漁水水出北平縣西南魚山山石善巨馬水發其下故世俗以物色名川東東流注于蒲

水又東入濡故地理志曰蒲水蘇水並從縣東入濡水又東北逕樂城南又東入博水自下博水亦兼濡水通稱矣春秋昭公七年齊與燕會于濡水杜預曰濡水出高縣而東北至河間鄭縣入易水是濡水與雲池溢易年舉通稱矣地理志曰博水東至高陽入河博水又東北徐水注之水西出廣昌縣東南大嶺下世謂之廣昌嶺嶺高四十餘里二十里中委折五迴方得達其上嶺故嶺有五迴之名下望層山盛若蟻蛭實兼孤山之稱亦峻崧也徐水三源竒發齊寫一澗東流北轉逕東山下

水西有御射碑徐水又此流西曲逕南巖下水陰
又有一碑徐水又隨山南轉逕東山崖下水祭又
有一碑凡此三銘皆巽對層巖郭深高壁立霞時
石文云皇帝以太延元年十二月車駕東巡逕五
回之嶮途覽崇岸之竦峙乃停駕路側援弓而射
之飛天踰于巖山刊石用讚元功夾碑並有層臺
二所即御射處也碑陰皆列樹碑官名徐水屈東
北逕即山又屈逕其山南岑山岑競舉若豎鳥翅
立慙巖亦如劔抄極地嶮之崇峭漢武之世戾太
子以巫蠱出奔其子遠遁斯山故世有即山之名

山內有即山碑事具文徐水又逕即山君子中觸
絳將軍廣南廟前有碑晉惠帝二水康元年月十
四日壬寅發詔錫君父子法祠其碑劉耀先初七
年前穎立太守即宣北平太守陽平邑振等共脩
舊碑刻石樹頌焉徐水又逕北平縣縣界有漢熹
平四年幽冀二州以代子詔書遣冀州從事王球
幽州從事張眼郡縣分境立石標界具揭石文矣
徐水又東南流歷右門中世俗謂之龍門也其山
上合下開開處高六丈飛水歷其間南出乘崖傾
瀾泄注七丈有餘濟盪之音竒為壯猛觸石成井

水深不測素波白激濤襄四陸闖之者驚神臨之者駭魄矣東南出山逕其城中有故碑是太白君碑卽山君之元子也其水又東流漢光武追銅馬五幡於北平破之順水北乘勝追北爲其所敗短兵相接光武自投崔下遇突騎豐於是授馬進保范陽順水蓋徐水之別名也徐水又東逕蒲城北又東逕清苑城又東南與洸水出蒲西俗謂之泉頭水也地理志曰北平縣有慮水東入河卽是水也東逕其城又東南左入徐水地理志曰東至高陽入河今不能也徐水又東左合會曹水出西北

水也寧縣曹河澤東南流左合岐山之水水出岐山東逕刑安城北又東入南曹河曹水又東南逕北新城縣故城南河南又逕新城故城如此此王莽之朔寧縣也曹水又東入于徐水水又東南逕故城北俗謂之祭過城所未詳也徐水又東流博水地理志曰徐水出北平東至高陽入于河又東入涿地理志曰博水自望都東至高陽入于河又東北入于易

涿水又東北逕依城河佗說無依城之名卽古葛城也郡國志曰高陽有葛城燕以與趙者也涿水

者好精物隱葺篝火尋之傍水入穴三里有余穴
分爲二穴如小西北出不知趣詣一穴西南出入
小逕五六日方還又不則窮深其水夏冷冬溫春
秋有白魚出穴數日而返人有捕探食者美珍常
味蓋亦丙穴嘉魚之流類也是水東北流入聖水
聖水又東逕玉石山謂之玉石口山多珉王燕石
故以玉石名之其水伏流里餘潛源東出頽波瀉
澗一丈有餘屈而流也無水

東過良鄉縣南

水聖水南流歷縣西轉又南逕良鄉縣故城西王莽

之廣陽也有防水之注水出縣西北大防山南而
東南流逕陽頭阜下俗謂之羊頭溪其水又東南
流至縣東入聖水聖水又南與樂水合水出縣西
北大防南山東南流歷縣西而東南流注聖水久
東過其縣故城南又東逕水聚南蓋籍水而懷稱
也又東與俠河合水出良鄉縣西甘泉原東谷東
逕西鄉縣故城北王莽之移風也世謂之都鄉城
案地理志涿郡有西鄉縣而無都鄉城蓋世傳之
非也又東逕良鄉城南又東北注聖水世謂之扶
活河又名之曰非理之溝也

又東過長鄉縣北

聖水自涿縣東與桃水合首受漆水於徐城東南良鄉西分恒水世謂之南涉溝即杭水也東逕迺縣北又東逕涿縣故城下與涿水合世以爲涿水又亦謂之桃水出涿縣故城西南竒溝東八里大坎下數泉同發東逕桃仁墟北或曰因水以名墟則是桃水也或曰終仁之故君非桃水也余按地理志桃水上承涑水此水所發不與志同謂終爲是又東北與樂堆泉合水出佳東東南流注于涿水涿水又東北逕涿縣故城西流注于桃應郡故

燕漢高帝六年置其南有涿水蓋氏馬闕駟亦言是矣今於涿城南無水以應之所有佳西南有是水矣應劭又云涿水出上谷涿鹿縣余按涿自涿鹿東注濕水濕水東南逕廣陽郡與涿郡分水漢高祖六年分燕置涿之爲名當受涿水通稱矣故郡縣氏之但物理潛通所在分發故在上谷爲涿耶水山川阻闕並無公注之理所在受命者背是經隱顯相閔遙情受用以此惟之事或近矣而非所安也桃水又東逕涿縣故城北王莽更名垣翰音大始元年改曰范陽郡今郡理涿縣故城城內

東北角有晉康王碑城東有范陽王司馬馮廟碑
挑水又東北與垣水會水上分涑水於良鄉縣之
挑水世謂之北涉溝故應劭曰垣水出良鄉東逕
垣縣故城北史記音義曰河間有武垣縣涿有垣
縣漢景帝中元三年封匈奴降王勝為侯國王莽
之垣翰亭矣謂之垣城非也又東逕垣亦地名也
故有垣土言世名之垣前河又東洛水注之水上
承鳴澤渚方一十五里漢武帝元封四年行幸名
澤者也服虔曰澤名在迺縣北界即此澤矣西則
獨樹水水注之出迺縣北山東入渚北有甘泉水

注之出良鄉西山東南逕西鄉城西而南注澤渚
水又東逕西鄉城南又東逕垣縣而南入垣水垣
水又東逕涿縣北東流注于挑故應劭曰垣水東
入挑關駟曰至陽鄉注之今按經脉而不能屈也
挑水東入陽鄉東注聖水聖水又東廣陽水注之
水出小廣陽西山東逕廣陽縣故城北又東福祿
水注焉水出西山東南逕廣陽縣故城南東入廣
陽水亂流東南至陽鄉縣右注聖水聖水又東南逕
陽鄉城西不逕其北矣縣故涿之縣亭也地理風
俗志曰涿縣東五十里有陽鄉亭後分為縣王莽

時更名章武即長鄉縣也按太康地記涿有長鄉而無陽鄉矣聖水又東逕長興城南又東逕方城縣故城李牧伐燕取方城是也魏封劉放為侯國聖右東左會白祀溝清水出廣陽縣之婁城東東南流左合婁城水水出平地遵泉東南流右注白祀水亂流東南逕常道城西故鄉亭也西去長鄉城四十里魏少帝璜甘露三年所封也又東南入聖水聖水又東南逕韓城東詩韓奕章曰溇波韓城燕師所完王錫韓侯追其貊奄受北國鄭玄曰周封韓侯居韓城為侯伯言為獫狁所逼稍稍東

遷也王肅曰今涿郡方城縣有韓侯城世謂寒號非也聖水又東南流右會清淀水水發西淀東流注聖水謂之劉公口也

又東過安次縣南東入于海

聖水又東逕勃海安次縣故城南中平二年桓帝封荊州刺史王敏為侯國又東南流注于巨馬河而不達于海也

巨馬河出代郡廣昌縣涑山

即涑水也有二源俱發涑山東逕廣昌縣故城南王莽之廣并魏封樂進為侯國矣涑水又東北逕

西射魚城東南而東北流又逕東射魚城南又屈
逕其城東竹書記年曰荀瑶伐中山取窮魚之丘
窮射字相類疑即此城之所未詳矣涑水又逕三
女亭西又逕樓亭北左屬白澗溪水有二源合注
一川川石皓然望同積雪故以物色受名其水又
東北流謂之石曹水伏流地下溺則通律委注謂
之白澗口涑水又東北桑谷水注之水南發溪北
注涑水涑水又北逕小饗東又東逕大饗南蓋霍
原隱教授處也徐廣云原隱居廣陽山教授數千
人爲王浚所召雖千古世縣猶表二饗之稱旣魚

碑頌統不知定誰居也涑水又東北歷紫石溪口
與紫水合水北出聖人城北大亘下東南流左會
壘呵溪水蓋山崩委澗積石淪隍故溪澗受其名
矣水出東北西南流注紫石溪水紫石溪水又逕
聖人城東又東南右會檐車水水出檐車礪東南
流逕聖人東南城南流注紫石水又南注于涑水
涑水又東南逕榆城南又屈逕其城東謂之榆城
河河涑水又南逕藏刀山下層巖壁立直上干霄
遠望崖側有若積力鏗鏗相北咸悉西首涑水東
逕徐城北出馬世謂之沙溝水又東督元溝出焉

一水東南流即督亢溝也一水西南出即涑之故
瀆矣水盛則長津弘注水耗則通波潛伏重源顯
於迺縣舊則川矣

東過迺縣北

涑水上承故瀆於縣北垂重源再發結為長潭潭
廣百許步長數百步左右翼帝泊流控引水自成
淵渚長川漫下十一許步東南流迺縣故城東漢
景帝中元三年以封匈奴降王隆強為侯國王莽
更名迺屏也謂之巨馬河亦曰渠水也又東南流
遠本遺別將崔巨業攻固安下退還公孫瓚追擊

之於巨馬水死者六七千人即此水也又東南迺
范陽縣故城北易水注之

又東南過容城縣北

巨馬水又東酈亭溝水注之水上承督亢溝水於
迺縣東東南流歷紫淵東余六世祖樂浪府君自
逐之先賢鄉爰宅其陰西帶巨川東翼滋水枝流
津通纏絡墟圃匪直田漁之膽可懷信為遊神之
勝處也其水東南流又名之為酈亭溝其水又西
南博歷大利亭南入巨馬水又東迺容城縣故城
北又東督亢溝水注之水上承涑水於涑谷引之

則長津委注過之則微川輟流水德含和變通在
我東南流逕迺縣北又東逕涿縣酈亭樓桑里南
即劉備之舊里也又東逕督元澤澤苞方城縣縣
故屬廣陽俊毅於涿郡國志曰縣有督元亭孫暢
之迷畫有督亢地圖言燕太子丹使荆軻齎入秦
秦王殺軻圖亦絕滅也理畫上古聖賢家地記曰
督亢地在涿郡今故安縣南有督亢陌幽州南界
也風俗通曰沆漭也言平遙遙漭漭無崖際也沆
澤之魚水斥鹵之謂也其水自澤板分東逕涿縣
故城南又東逕漢侍中盧植墓南又東散為澤渚

督亢澤也北屈涯于挑水督亢水又南謂之白溝
水南逕廣陽亭西合而南枝溝溝水西受巨馬河
東出為板溝又東注白溝白溝又南入于巨馬河
巨馬河又東南逕益昌縣濩澗水又注之水上承
護陂於臨鄉縣故城西東南逕臨鄉南漢封廣陽
王子湏為侯國地理風俗記曰方城南十里有臨
鄉城故縣也城南十里淀水又東南逕益昌縣故
城西南入巨馬水東逕益昌縣故城南漢封廣陽
湏王子嬰為侯國王莽之有秋也地理風俗記曰
方城縣東八十里有益昌城故縣也又東八丈溝

水注之水出安次縣東北平地泉東南逕安次城
東東南逕泉州縣故城西又南右合寧池河枯溝
溝自安次西北東逕常道城東安次縣故城西晉
司空劉琨所守以拒石勒也

又東南至泉州縣西南東入八丈溝又南十里百
入巨馬河亂流東注也

又東過勃海東平舒縣北東入于海

地理志曰涿水東南至容城入于海河即濡水也
蓋牙以明會矣巨馬水於平舒北南入于寧池而
同歸於海也

水經卷第十二

京山之大池池在山源之上世謂之天池方里餘其水澄渟鏡淨而不流若安定朝那之湫淵也清水流潭皎焉冲照池中葦魚斤草及甚風澤有倫軌有小鳥翠色投淵銜出若會稽之私鳥也其水陽焯不耗陰霖不濫無能側其淵深也古老相傳言嘗有人乘車於池側忽過大風飄之於水有人獲其輪於桑乾泉故知二水潛流通注矣池東隔阜又有一石池方可五六十步清深鏡潔不異大池桑乾水自源東南流右會馬邑川水水出馬邑水西川裕謂之磨川矣蓋秋語言訛馬磨聲相近故

爾其水東逕馬邑縣故城南千寶披神記曰昔秦入築城於武周塞內以備胡城將成而崩數矣有馬走一地周旋反覆父老異之因依以築城城乃不崩遂名馬邑或以爲代之馬城也諸記紛競未識所是漢以斯邑封韓王信後爲匈奴所圍信遂降之王莽更名之曰章昭水其東流桑乾水桑乾水又東南流有故城東北臨河又東南石合濕水亂流枝之南分桑乾水又東左合武周塞水水出故城東南流出山逕曰沒城南蓋夕陽四類戎車所薄之城故也東有曰中城南東東又有早起城

亦曰食時城在黃瓜阜北曲中其水又東流右注桑乾水桑乾水又東南逕黃瓜阜曲西又屈逕其堆南徐廣曰猗盧廢嫡子曰利孫于黃瓜堆者也又東右合枝津上承桑乾河東南流逕桑郡此大謂因水以立郡受厥稱焉又東北左合夏屋山水水南出夏屋山之東溪西北流故城北未詳也又西北入桑乾枝水桑乾枝水又東流津委浪通結雨湖東湖西浦淵潭相接水至清深晨鳧夕鴈泛濫其上黛甲素鱗潛躍其下俯仰池潭意深魚鳥所寡唯良木耳俗謂之南池池北對注陶縣之故

城故曰南池池水又東北注桑乾水爲濕水並受通稱矣濕水又東北逕魏亭西蓋黃魏天賜三年之所經建也濕水又東北逕白狼堆南魏列祖道武皇帝於是遇白狼之瑞故斯阜納稱焉阜上有故宮廟樓榭基雉尚崇每至鷹隼之秋羽獵之日肆閱清野爲昇眺之送地矣濕水又東流四十九里東逕巨魏亭北又東嶧川注之水南出嶧縣故城南王之莽之嶧張也縣南面玄岳又皆嶧三處三山之中故以嶧張爲名矣其水又西出山謂之嶧口北流逕繁時故城東王莽之富要也又北逕巨

魏亭又北逕劇陽縣故城西王莽之善陽也按十
三州志曰在陰館縣東北一百三十里其水又東
注于濕水濕水又東逕班南如渾水注之水出涼
城旋鴻縣西南伍十餘里東流逕故城南北俗謂
之獨谷孤城水亦即名焉東合旋鴻池水水出旋
鴻縣東山下水積城池北引魚水水出魚溪南流
注池水吐納川流以城巨沼東西二里南北四里
北對涼州地之南池池方五十里俗名乞伏袁池
雖隔越山阜鳥道不遠雲霞之間常有西南流逕
旋鴻縣南右合如渾水是摠二水之名矣如渾水

又東南流逕永固縣縣以太和中因山堂之目以
氏縣也右會年水水出平城縣之西苑外武周塞
北出東轉逕燕昌城南按燕書建興十年慕容寶
自河西還軍敗於參合死者六萬人十一年出衆
北至參合見積骸如山設策弔之死者父兄皆號
泣六軍哀慟垂慙憤嘔血因而寢疾焉輦過平城
北四十里疾篤築燕昌城而還即此城也故北俗
謂之老公城也羊水又東注于如渾水亂流逕方
嶺上有文明太皇太后陵陵之東北有祖陵二陵
南有永固堂堂之四周隔雉列榭階攔檻及扉戶

梁壁椽瓦悉文石也檐前西柱採洛陽之八風谷
黑石爲之雕鏤隱起以金銀間雲雉有若錦焉堂
之内外四則結兩石扶帳青石屏風以文石爲緣
並隱起忠孝之容題刻貞順之名廟前雙石爲碑
獸碑石至佳左右列栢四周迷禽閣日院外西側
有思遠靈圖之西有齋堂南門表二石闕下軒山
累結御路下望靈泉宮池皎若圖鏡矣羊水又東
注如渾水又南至靈泉池枝津東南注池池東西
壹百步南北貳百步池渚舊名白楊泉泉上出白
陽樹因以名焉其猶長楊五柞之流稱矣南面舊

京北北方嶺左右源亭觀繡峙方湖及景若三山
之倒水下如渾水又南逕北宮下舊宮人作薄所
在如渾水又南分爲二水一水西出南屈入北苑
中磨諸池沼又南逕虎圈東魏太平貞君五年成
之以牢虎也季秋之月聖上觀御圈上勅虎士効
立於其下事同奔戎生制猛獸即詩所謂袒楊暴
虎獻子公所也故謂有掉虎圖也又經平城西國
內魏太常七年所城也城周西郭外有効天壇壇
之東側有効天碑延興四年立其水南又屈逕平
城縣故城南史記曰高帝先至平城史記音義曰

在鴈門即此縣矣王莽之平順也魏天興二年遷都於此太和十六年破太華安昌諸殿造大極殿東西堂及朝堂夾建象魏乾光中陽端門東西二掖門雲龍神處中華諸門皆飾以觀閣東堂東接大和殿殿之東階下有一碑太和中立石是洛陽八風谷之緇石也殿之東北接紫宮寺南對賢門門南即皇信堂堂之四周圖古聖忠臣烈士之容刊題其側是辯章郎彭城張僧達樂安將少遊于堂對白臺臺甚高廣臺基四周列壁閣路自內而升國之圖籙祕籍悉積下臺西即朱明閣有侍之

官出入所由也其水夾御路南流蓬臺西魏神瑞三年又毀建白樓樓甚高竦加觀榭於其上表裏飾以石粉塼曜建素赭白河水故世謂之白樓也後置大鼓於其上晨昏伐以千椎為城里諸門啓閉之候謂之戒晨鼓也又南逕皇舅寺西是太寺黎昌憑晉國所造有五層浮圖其神國像皆合青石為之加以金銀火齊衆綵之上煒煒有精光又南逕永寧七級浮圖西制甚妙工在寡雙又南遠出郊郭弱抑蔭街系楊被浦公私引裂用固園繞長塘曲池所在布護故不可得而論也一水南逕

白登山西服虔曰白登臺名也去平城七里如亭
曰平城傍之高城若丘陵矣今平城東十七里有
臺即白登臺也臺南節罍阜即白登山也故漢書
稱上遂至平城上白登者也為匈奴所圍處孫暢
之迷畫曰漢高祖被圍七日陳平使能畫作美女
送與冒頓閼氏恐冒頓勝漢其寵必衰說冒頓解
圍於此矣其水又逕寧先宮東獻文帝之為太上
皇也所居故宮矣宮之東次下有兩石柱是石虎
鄴城東門石橋柱也按柱勒趙武建中造以其石
作工妙徙之於此余為尚書祠部與宜都王穆罷

同拜此郊親所逕見柱側悉鏤雲矩上作蟠螭甚
有形勢信為工巧去子丹碑側遠矣其水又南逕
平城縣故城東司州代尹治皇都洛陽以為恒州
水左有大道壇廟始光二年少室道士寇謙之所
議攔檻上階之上以木為員基令干相技梧以板
功其上攔陸承阿上負制如明堂而專室內有神
坐坐右列王齋皇興親降受籙靈壇號曰天師宣
陽道式暫重當時壇之東北舊有靜輪宮魏神麇
四年造抑亦相梁之流也臺高廣起出雲間欲令
上延霄客下絕噐浮太平貞君十一年又毀之物

不停固白登亦繼據矣右有三層浮圖員容鷲架
悉結石也裝制鹿質亦盡美善也東廓外太和中
闡人岩昌公鉗耳處時立祇洹舍於東罽搆凡梁
棟臺壁擡陛尊容聖像及床坐軒帳悉青石也圖
制可觀所恨唯列壁合石踈而不容庭中有泝洹
碑題大篆非佳耳然京邑帝厘佛法豐盛神圖妙
塔桀峙相望法輪東轉茲為上矣其水自北死南
出歷京城內河千兩涓太和十年累石結岸夾塘
之上雜樹交蔭郭南結而石橋橫水為梁又南逕
籍田及樂園西上堂上圖下方四周十二戶九堂

而不為重隅也室外桂內綺井之下施機輪篩縹
仰象天狀畫北通之宿鳥蓋天也每月隨斗所建
之辰轉應天道此之異古也加靈臺於其上下則
引水為辟雍水側結右為塘事准古制是大和中
之所經建也如渾水右南與武周川水出縣西南
山下二源翼導俱發一山東北流合城一川北流
逕武周縣故城西王莽之桓周也又東北石合黃
山水西出黃阜重北流聖山之水注焉水出西山
東流注于黃水黃水又東注武周川又東歷故亭
北右合火山山西溪水水導源水山西北流上山有

火井南北七十六步廣減尺許源深不見底炎勢
上升常若微雷發響以草爨之則煙騰火發東方
朔神異傳云南方有有火山焉長四十里廣西五
里其忠背生不燼之木晝夜火然得雨猛風不減
火中有鼠重百斤毛長二尺餘細如絲色白時時
出浣布是山亦其類也但卉物則不能然其山以
火從地中出故亦名榮臺矣火井東五六尺又東
有湯井廣輪與火井相狀勢又同以草內之則不
然背沾濡露結故浴以湯井爲日井東有火井祠
以時祀祭焉井北百餘步有東西俗廣十許步南

岸下有風穴厥大客人其深不測而穴中肅肅常
有微風雖三伏盛暑猶須襲表寒吹陵人不可暫
停而其山出鷓鴣鳥形類雅鳥純黑而姣好音與之
同續彩緝發觜若丹砂惟馴良而易附游童幼子
捕而執之觜亦鳥赤曰阿鷓鴣鳥按再雅純黑反哺
謂之慈鳥小而復下白不反哺者謂之雅鳥白頭
而郡飛者謂之燕鳥大而白頭者謂之倉鳥再雅
曰鷓鴣斯卑居也孫炎曰卑居舒楚爲隄爲舍人爲
壁屋說文謂之雅楚鳥莊子曰雅賈矣馬融亦曰
賈鳥者也又按瑞應圖有三足鳥赤鳥之名而無

記於此鳥故書其異耳自恒山已北並有此矣其
水又東北流注武周川水武周川水又東南流水
側有石祗洹舍并諸窟室北丘尼所居也其水又
東轉逕靈巖南鑿石開山因崖結構貞容匡狀法
世所締山堂水殿烟峙相望林淵錦鏡綴目新時
川水又東南流出上魏土地記曰平城宮西三十
里武周塞口者也自山口枝渠東出入苑溉諸園
池苑有洛陽殿北有宮館一水自枝渠南流東南
出火山水注之水發火山東溪東北流出出山有
石炭火之熱同樵炭也又東注周武川逕平城縣

南東流注如渾水又南流逕班氏縣故城東王莽
之班也闕駟拾叁州志曰班氏縣在群西南壹里
北俗謂之去留城也如渾水又東南流注于濕水
濕水又東逕北平邑縣故城南趙獻侯拾叁年城
平邑地理志曰屬代王莽所謂平胡也拾叁州志
曰城在高柳南八十里北俗謂之醜寅城濕水又
東逕沙陵南魏金田之地也事同曹武鄴中定矣
濕水東逕猗氏縣故城北王莽更名之曰猗聚也
十三州志曰縣在高柳南北三十里俗謂之若力
干城矣濕水又東逕道人縣故城南地理志曰王

莽之道仁也地理風俗記曰初築此城有仙遊其
城故因以為城名矣今城北有淵潭而不注故俗
謂之為平湖也十三州志曰道人城在高柳東北
八十里所未詳也濕水又東逕陽原縣故城南地
理志代郡之屬縣也北俗謂之北郟州城濕水又
東水又東陽水注之水出縣東北澤中北俗謂之
太接迴水水自源東南流注于濕水又東逕東安
陽縣故城北趙惠王王三年封長子章為代安陽
君此即章封邑王莽之競安也地理風俗記曰五
原有西安陽故此加東也濕水東逕昌平縣濕水

注之水出南墳下三源俱導合而南流東北逕濕
水濕水又東逕昌平縣故城北王莽之長昌也昔
牽招為魏鮮北校尉屯此濕水又東北桑逕乾縣
故城西又屈逕其城北王莽更名之曰安德也魏
土地記曰代城北九十里桑乾城城西渡桑乾
水出城十里有溫湯療疾有驗經言出南非也蓋
侯證矣魏任城王彰以建安二十三年代鳥九入
涿郡遂北遂志桑乾止於此也水又東流祁夷水
注之水出平舒縣東逕平舒縣之故城南澤中史
記趙孝成王十九年以汾門予燕易平舒徐廣曰

平舒在代王莽更之曰平葆後漢世祖祖建武七年封陽武將軍馮成爲侯國公水控引衆泉以城一川魏土地記曰代城西九十里有城平舒西南五里代水所出東北流言代水非也祁夷水又東北逕蘭亭南又東北逕石門關北舊道山中山故關也又東北流水側有故按魏土地記曰代城西南三十里有代王魚池池西北有代王臺東去代城四十里祁夷水又東北得非狐俗即廣野君所謂杜飛狐之口也蘇林據酈公之說言在上黨即實非也如淳言在代是矣晉建興中劉琨自代出

飛狐口賁於安次即於此道也魏土地曰代城南四十里有飛狐關關水西北流逕南舍亭西又逕句瓌亭西西北注初夷水初夷水又東北流逕代城西盧植言初築此城板幹一夜自移此故代西南五十里大澤中營城自護結葦爲九門於是就以爲治城圓匝而不方周四十七里開九門更名其故城曰東城趙滅代漢封孝文爲代王梅福上事曰代谷者恒山在其南北塞在其北谷中之地上谷在東代郡在西是其地也王莽更之曰厭狄亭魏土地記曰城內有二泉一源流出城西門一

源流出城北門二源背北注代水其夷水又東北
熱水注之水出綾羅澤澤際有熱水亭其水東北
流注初夷水又北東谷水注之出昌平縣故城南
又東北入初夷初夷右會逆水水道源將城東西
北流逕將城北在代城東北一十五里疑即東代
矣而尚傳將城之名盧植曰此城方訖而板幹自
移應劭曰城從西南去故五十里故名代曰東城
或傳書倒錯情用疑焉而無以辯之逆水又西注
于祁夷之水逆之爲名以西故也祁夷水東北逕
青牛淵水自淵東注之耆諺云有潛龍出於茲浦

形類青牛焉故淵潭受名矣潭深不測而水州多
蓮籍生焉祁夷水又北逕一故城西西去代城五
十里又疑是伐之東城而非所詳也又逕昌平郡
東魏太和中置西南去故城六十里又北連水入
焉水出雒膺縣西北流逕雒膺縣故城南又西
逕廣昌城南魏土地記曰代南二百里廣昌城
南道大嶺郡此非也十三州記曰平舒城東十九
里有廣平城疑是城也尋其名狀性理爲非又西
逕王莽城南又西到刺山水注之水出到刺山西
山其層峻未有升其嶺魏土地記曰代城東五十

里有到山水止有佳大黃也其水北流逕一故亭
東城北有石火故世謂之石人城西北注蓮水又
北逕當縣故城西高祖十二年周勃定大將陳豨
於當城即此處也應劭曰當恒都山作故作城故
曰當城也又逕故代東而西北流注祁夷水祁夷
水故有隨山山上有神廟謂之女郎祠方俗所祠
也祁夷水又北逕桑乾故城東而北流注于濕水
地理書祁夷水出平舒縣北志桑乾入濕是也濕
水又東北逕石山水口水出南山北流逕空侯城
東魏土地記曰代城東北九十里有空侯城者其

水又東逕潘城縣北東合協陽關水水出協溪魏
土地記曰下洛城西南九十里協陽關道西
通大郡其水東北流歷筭領山在潘城南即是山
也又北逕潘縣故城左會潘泉故瀆瀆舊上承潘
泉於潘城中或大舜所都也魏土地記下洛城西
南四十里有潘城城西北三里有歷山山上有虞
舜廟十三州記曰廣平城東北一百一十里有潘
縣地理志曰王莽更名樹武其泉從廣十數步東
出城注協陽關水雨盛則通注陽旱側不流唯泝
泉而已關水又東北流注于濕水又東逕雍洛城

南魏土地記曰下洛陽西西二十里有雍洛城桑
乾水在城南東流者也濕水又東逕下洛縣故城
西王莽之下忠也魏燕州廣寧縣廣寧治魏土地
記曰去平城五十里城南二百步有克廟濕水又
東逕高邑亭北又東逕三臺北淮水又東逕魚鄉
城北地理風俗記曰燕語呼亡爲無今改爲宜也
濕水又東逕溫泉水注之水上承溫泉於橋上下
魏土地記曰下洛城東南四十里有橋山下有濕
泉泉上有祭堂彫簷華宇被于浦上石池吐泉
湯湯其下炎涼代序是水灼焉無改能治百疾是

使赴者若流池水北流入于濕水濕又東左得于
延水口水出塞外于玄鎮西長川城南小山山海
經曰梁渠之山無草木多金玉循水出焉東南流
逕且如縣故城南應劭曰當城西北四十里有且
如城故縣也代稱不拘名號變改校其程郭相去
遠矣地理志曰東部都尉治于延水出縣北塞外
即循水也循水又東南逕馬城縣故城北地理志
曰東部都尉治十三州志曰馬城在柳高東二百
四十里俗謂是水爲河頭出戎方土俗變名耳又
東逕零丁城南右合延鄉水水出縣西山東逕延

陵縣故城北地理風俗記曰當城西北有延陵鄉故縣也俗指魏之琦城川又東逕羅亭又東逕馬城南又東注脩水又東南於大窰邵北右注鴈門水山海經曰鴈門之水出于鴈門之山鴈出其上在高柳在代中其山重巒疊巘霞舉雲高連山隱隱東山遼其水東南流逕高柳縣故城北舊代郡治秦始皇二十三年虜趙王遷國以爲郡王莽之所謂厭狄也建武十九年世祖封代相堪爲侯國昔牽招斬韓忠於此處城在平城東南六十七里於代爲西北也門鴈水又東南流屈逕一故城背

山面澤北俗謂之叱峻城鴈門水又東南流屈而東北積而爲潭其陂斜長而不方東北可二十餘里廣一十五里靡葭蘭生焉敦水注之其水導源西北少咸山之南麓東流逕叅合縣故城南地理風俗記曰道人城北五十里有叅合鄉故縣也敦水東又澁水注之出東阜下西北流逕故城北俗謂之和堆城又北合敦水亂流東北注鴈門水故山海經曰少咸之敦水出焉東流注於鴈門之水郭景純曰水出鴈門山謂斯水也鴈門水又東北入陽門山謂之羊門水與神泉水出葦壁北水有

靈馬及其密雲不雨陽旱愆其多禱請焉水有二
流世謂之北連泉一水東北逕一故城東世謂之
石虎城而東北流注陽門水又東逕三會亭北又
東逕西伺道城又東託台谷水注之水上承神泉
於葦壁北東逕羊門山南託台谷謂之託台水汲
引泉溪澤澤濤東注行者間一十餘渡東逕三會
城南又東逕託台亭北又東北逕馬頭亭北東北
注鴈門水鴈門水又東逕大甯郡北魏大和中置
有脩水注之即山海經所謂脩水東流注于鴈門
水也地理志曰有于延水而無鴈門脩水之名山

水海經有鴈門之日而無說于延河自下亦通謂
之于延水矣水側有桑林故時人亦謂是水爲蓼
桑河也斯乃北土寡桑至此見之因以名焉于延
水又東逕置城按史記蔡澤燕人也謝病歸相秦
號置成君疑即澤所邑也世名武罡城延水又東
左與寧川水合水出西北東南流逕小寧縣故城
西東南流注于延水又東逕小流逕小寧縣故城
西東南流注于延水又東逕小寧縣故城南地理
志寧縣也西部都尉治王莽之博康也魏土地記
曰大寧城西二十里有小甯城昔邑人班立仲居

水側賣藥於甯百餘年人以為壽後地動宅壞仲
與里數十家皆死民人取仲尸弃于延水中收其
藥賣之仲被縶從而詰之此人大怖叩頭求哀仲
曰不根汝故使人知我耳去矣後為夫餘王驛使
求甯北方人謂之謫仙也于延水又東黑城川水
注之水有三源出黑土城西北奇源合注摠為一
川東南逕黑土城西又東南流逕大甯縣西而南
入延河延河又東逕太甯縣故城城南地理志云
廣甯也王莽曰廣康矣魏土地記曰下洛西北百
三十里大甯城于延水又東南逕茹縣故城北王

莽之穀武也世謂之如口城魏土地記曰城在烏
鷄山西十里南通大道西達寧川于水又東南逕
鳴鷄山西魏土地記曰下洛城東北三十里有延
河東流北有鳴鷄山史記曰趙襄子穀太王於夏
屈而并其土襄子迎其姊於代其姊代之夫人也
至北曰代已亡矣吾將何歸乎遂磨筭於山而自
殺代人憐之為立祠焉因名其為磨筭山每夜有
野鷄群鳴於祠屋上故亦謂之為鳴雞山魏土地
記云代城東南二十五里有馬頭山其側有鍾乳
穴趙襄子既害代王迎姊姊代夫人夫人曰以弟

慢夫非仁也以夫恕弟非也磨笄自刺而死使者
自殺民憐之為立神屋於山則因名之為磨笄山
未詳孰是於迺水又南逕且居縣故城南王莽之
所謂文居也其水東南流注于濕水地理志曰于
迺水東至其寧入治非矣
又東過涿鹿縣北
涿水出涿鹿山世謂之張公泉東北流逕涿鹿縣
故城南王莽所謂襍陸也黃帝與蚩尤戰於涿鹿
之野留其民於涿鹿之河即於是也其水又東北
與陂泉合其水道源縣之東泉魏土地記曰下洛

城東南六十里有涿鹿城城東一里有被泉泉上
有黃帝祠晉太康地理志曰陂泉亦地名也泉水
東北流與蚩尤泉會水出蚩尤城城無東面魏土
地記稱涿鹿城東南六里有蚩尤城泉水淵而不
流霖雨併則流注陂泉亂流東北入涿水涿水又
東逕平元郡魏從平源之民置此故立僑郡以統
流雜涿水又東北逕祚亭北而東北入濕水以云
涿水枝分入匈奴者謂之涿耶地理潛顯難以究
昭非所知也濕水又東南左會清夷水亦謂之滄
河也水出長亭南西逕北城村故城北又西北平

鄉川水注之出平鄉亭西西北流注清夷水清夷水又西北逕陰莫亭在居庸縣南十里清夷水又西會牧牛山魏土地記曰沮湯城東八十里有牧牛山下有九十九泉即滄河之上源也山在縣東北三十里山上有道皇武帝廟耆舊云山下亦有百泉競發有一神牛駁身自山而降下飲泉竭故山得其名今山下導九十九泉積以城川西南流谷水與浮圖溝水注之出夷縣故城西南王莽以爲朔調亭也其水俱西南流注于滄水又西南右合地裂溝古老云晉世地裂分此界間成溝壑有小

水俗謂之分界南流入滄河又西逕居庸縣故城南魏上谷郡昔劉虞攻公孫瓚不尅北係北城爲瓚所擒有粟水入焉水出縣下城西枕水又屈逕其縣南南注滄河又西與右陽溝水合水出縣東北西南流逕居庸縣城西北逕大期小期山南溝蠻截雲層陵斷霧隼阜共秀競舉郡峯之上郡人王次仲少有異志年及弱冠變倉頡舊文爲今隸書秦始皇時官務煩多以次仲所易文簡便於事要竒而召之三徵而輒不至次仲復真懷道窮數術之美始皇恕其不外翻飛而去落三翻於期山

故其峯巒有大翻之名矣魏土地記曰沮陽城東
北六十里有大翻小翻山山上神名大翻神山屋
東有溫湯水口其山在縣西北二十里峯舉四十
里上廟則次仲廟也有出屈溫湯療治萬病泉所
發之麓俗謂之土亭山此炎勢倍甚諸湯下足便
爛人體療病者要須別引消息用之其不得言大
翻山東其水東南流左會湯溝水亂流南注滄河
滄河又左得清夷水口魏土地記曰牧牛泉西流
與清夷水合者也自下二水牙受通矣清夷水又
西靈亭城水注之出馬蘭西澤中衆泉瀉溜歸于

澤澤水所鍾以成溝瀆瀆水又左與馬蘭溪水會
水導馬蘭城城北負山勢因阿仍溪居民所給唯
仗此水水南流出城東南入澤水澤水又南逕靈
亭東落次仲鳥翻於此故是亭有靈亭之稱矣其
水又南清注于清水清水又西得泉溝水會水導
源川南平北注清夷水清夷水又西南得桓公泉
蓋齊桓公霸世比代山戎過孤竹西征東馬縣車
上平耳之西極故水受期名也水源出沮陽縣東
西而北流入清夷水清夷水又西邊沮陽縣故城
北秦始皇上谷郡治北王莽改郡曰朔調縣曰沮

陽闕駟曰涿鹿東北至谷城六十里魏土地記曰
城北有清夷水西流也其水又屈逕其城西南流
注于温水濕水南至馬陞山謂之爲落馬河

又東南出山

濕水又南入山瀑布飛梁縣河注壑湍湍十許又
謂之馬落洪柳亦謂之流也濕水自南出山謂之
靖泉河俗亦謂之曰干水非也濕水又東南逕良
鄉縣之北界歷梁山南高粱水出焉

過廣陽削縣北

濕水又東逕廣陽縣故城北謝承漢書曰世祖曰

鉅期出削至廣陽郤南行即北城也謂之小廣陽
濕水又東北逕削縣故城南魏氏土地記曰削城
南七里有消泉河而不逕其地蓋經誤證矣昔周
武王封堯後於削今誠內西北隅有削丘因丘以
名邑也猶魯之曲阜齊之營丘矣武王封召公之
故國也秦始皇二十三年滅燕以爲廣陽郡漢高
帝以封盧綰爲燕王更燕國城有萬載宮光明殿
王莽改曰廣公縣曰伐城東掖門下萬慕容鷗立
銅馬象處昔慕容廆有駿馬楮白有奇相逸乃至
鬪光壽元年四十九矣而駿逸不虧雋奇之北鮑

氏驄命鑄銅以圖其像親為銘讚鑄頌其傍像成而馬死矣大城東門內道左有魏征南將軍建城鄉景侯劉靖碑晉司隸校尉王密表功加於民宜在祀典以元嘉四年九月二十日刊石建碑揚于後業矣溫水又東興洗馬溝水合水上承劄木西注大湖湖有二源水俱出縣西北平地道泉流結西湖東西二里南北三里蓋燕之舊池也淶水澄澹川庭望遠亦為遊矚之勝所也泚水東流為洗馬溝側城南東門注昔銚斯啓戰處也其水又東入濕水濕水又東逕燕王陵南陵有伏道西北出

劄城中景明中造浮圖建刹窮泉掘得此道王府所禁英有尋者通城西北大陵而是二基趾磐固猶自高壯競不知何王陵濕水又東南高粱之水注馬水出劄城西北平地泉東注逕劄城北又東南流魏氏土地記曰劄東一十里有高粱之水者其水又東南入濕水也

又東至漁陽雍奴縣西入筍溝

漢光武建武二年封潁川太守寇恂為雍奴侯魏遣張郃樂進圍雍奴即此城矣筍溝水之別名也魏氏土地記曰清泉河上承桑乾河東流與潞河

濕水東入魚陽所在枝分故俗諺云高粱無上源
清泉無下尾蓋以高粱微洧淺薄裁足津通憑籍
洧流方成川剛清泉至潞所在分流更為微津散
漫難尋故也

其水又東南入潞不也
南流潞水曰潞東一十里自高粱之水

水經卷第十三

潞水出潞縣北潞水又東南高粱之水
潞水出潞縣北潞水又東南高粱之水
潞水出潞縣北潞水又東南高粱之水
潞水出潞縣北潞水又東南高粱之水

